

آبونه شرائطی : هریر ایچون
سنه لکی (۴۰۰) آتی آیلنی
(۲۲۵) ممالک اجنیه ایچون
سنه لکی (۴۵۰) ، آتی آیلنی
(۲۵۰) غروشدور .

نسخه سی ۷,۵ غروشدور .
سنه لکی ۵۰ عددور .

اداره خانه : باب عالی جاده سنده
رشید افندی خاندنه

اخطارات

آبونه بدلی پشیندر .

مسئله موافق آثار مع الممنونیه
قبول اولنور . درج ایدله یین
یازیله اعاده اولنماز .

الکتاب

۱۳۳۰

آدره من تبدیلندم ایریجه
غروشن کوندردملیدر .

مکتوبلرک امضاری واضح
واوقوناقلی اولسی و آبونه
صره نومروسی محتوی
بولونسی لازمدر

ممالک اجنیه ایچون آبونه
اولانلرک آدرس لرینک
فرالسزجه یازلسی رجا اولنور .

پاره کوندردلیکی زمان نهیه
دائر اولدیفی بیلدیرلسی
رجا اولنور

اتبعون اهدکم سبیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

اناطولیده بوکسلی سسلر :

هاکیت مایه تجلیاتی

قره دکز ساحلنده (اونیه) قضاسی اهلایسی نامنه علمادن ، اشرافدن ، دوقورلردن ، احتیاط ضابطلردن ، تجارتدن واصنافدن اوتوز بش امضا ایله کوندزیلیور :

سبیل الرشاد جبریده اسلامیه سنه

قضاسی اهلایسنک حسیات نجیبه اسلامیه سنه تر جان اولارق یازدیغیز بروجه آتی مروضاتیمز معتبر رساله کیزله اعلان بو یورارق انظار عامیه وضع ایتمه کیزی رجا ایدیورز ..

کندیلرینی منور فرض ایده رک عصر یلق نامی آلتنده وقادینلرمز ی فحش وسفاهت محللرینه تشویق ایتمک صورتیله تورک واسلام قادینلک عفت وعصمیتله اوینامق ایسته یین بعض نورسزلر ، عفت یرینه ردیلت ، فضیلت یرینه فضاحت ، صلابت دینییه و اخلاقیه یرینه دینسزلک ، ملی سجیه یرینه ده له وانیتلک اقامه ایتمک ایستیورلر . افندیلر ، تورکک ناموس وعصمیتله اوینامایکیز ا تورک ده ا برنجی عصر هجریده اسلامیتی قبول ایتمشدر . تورک دیمک اسلام دیمکدر . اسلامق تورکدن لایفکدر . دین مبین اسلام سزه صورمادن اسلام قادینلک وضعیت اجتماعیه سی ، ترقیات وتکاملات بشریه یی نظراعتباره آلارق تعیین ایتمشدر ؛ اونی بیقمق قوت وقدرتی نرمدن آلیورسکیز ؟ . افندیلر ، تورکک آبدۀ عرض و ناموسنی بیقمغه اوغرا شیر کن امین اولگیز کندیگیز بیقیلیرسکیز ا بیقیله جقسکیز . تورکک مقدساتنه بو قدر کستاخانه تجاوز وتعرضگیز آلتنده نه کی خان و کیزی املر بسله دیککیزی افکار عمومیه چوقایی تقدیر ایدیور . افندیلر ، سز کندی باصدیگیز دالی کسورسکیز ، زهرلی عرفانکیزله ، فحش وردالته تشویق صورتیله قادینلغه شهراره ها (۱) دییه کوستردیککیز اوضالات یولی رومالیلری ، قازنه جالیلری ، ایرانیلری الخ .. ناصل منقرض ایتمدیکنی اوقومادیکیزی ؟ تورک عالمه سی ، ده ا دوغریسی تورک واسلام مقربنی کیزی بر قورت کی ایچندن کیرمک صورتیله انحلال واضمحلاله اوغرا تمق ، دشمنلرک آتش یاغدی ران وسائط حربیه ایله یا بامادقلرینی یا بمق ایستیورسکیز .

ای محترم مبعوثلرمز ، هر مملکتد حریت وسر بستینک برحدودی واردر ؛ حربی ، بومقدس حق ، ملنک مقدساتنه تجاوز وتعرض ایده رک سواستعمال ایدنلر حقنده قانون جزایه ومطبوعات قانوننه مناسب ماده لر علاوه ایدیگیز . زیرا ملت ، عرض و ناموسنه ومقدساتنه قارشو واقع اولان بوتجاوزلری آرتق هضم ایده میه جک برحاله کلشدر .

۲۶ تشرین ثانی ۳۳۹

(برهانیه) قضاسنک عموم مسلمان قادینلری نامنه اشراف ، اهالی ومأمورین طائلرندن ومعلمه لردن الی آلتی خانم امضاسیله کوندزیلیور :

رساله ندره سبیل الرشاد جبریده اسلامیه سنه

غریبک عادات سفیهانه سی استانبولده بار وشانولرده تقلید ایله عنعناتیمز تاساسندن صارصمیه یلته یین برطاقم زوالیلرک ، اناطولینک حریم عصمتنه بر نمونه فساد اولارق صوقق ایسته دکیزی ضرب رذائلی ، یوواسنده طائله سنک سعادتقی تأمیندن باشقه بر شی دوشونمیه یین مسلمان قادینلری نامنه پروتستو ایدر و بز اناطولی قادینلرینک بو مستکرمه منظره دن یک زیاده دلخون بولوندیغیمزک جبریده معتبره لرله نشرینی رجا ایلرز .

۱۷ تشرین ثانی ۳۳۹

بوده کدوس قضاسی مسلمانلری طرفندن کوندزیلیور :

سبیل الرشاد جبریده محرمه سنه

حیات اجتماعیه من اوزرنده یک عظیم تأثیرات مضره ایقاع ایدن ، حیات بشری وحشی جانوارلر کی کیرمن ، وجود بشره تلاقیسی غیر قابل اولان بر چوق خسته افلر احداث ایدن ، ده اکنج یاشلرند برچوق قهرمانلریمز سوروکله یین ، برقطره سی بیله دیناً حرام اولان و حرمتی نص قاطع ایله ثابت بولونان مسکراتک اعمال واستعمالنک منعندن شیمدییه قدر مملکتلریمزده کنجلیرمز اوزرند نه مهم ، نه درجه انسانی واجتماعی فوائد تأمین ایلدیکی بو کونک الیباهر خصوصاتی صیره سنه یکدیکنده ترده دوشمک ، دوشانلریمزک بیله تقدیر ایتمکیزی بومستثنا قانون علیهنده مطالمات وملاحظات درمیان ایتمک هیئت اجتماعیه منی سنه لجه سولوک کی امن بر آنکرک بیلانک تکرار بنیه مسلمینه صوقولوب کله سی تمنی دیمکدر . منع مسکرات قانوننک علیهنده اداره کلام ایتمک وطنی بروظیفه یی عن قصد امال ایتمک دیمکدرکه مضرق یالکیز شخصیته انحصار ایتمکله قالیهرق جمعیت بشریه آره سننده بی پایان مضراتی تولید ایده جکنه حکم ایتمک لازمدر .

ام الحجاب اولان مسکراتک عصرلردن بری سوکیلی دینداشلیرمز اوزرند نه بو یوک ونه درجه خانمانسوز وقایع میدانه کتیردیکنی درت بش سطرله تشریح ایتمک غیر قابل اولدینی عنعنات دینییه و اخلاقیه سنه پرستش ایدن هر مسلمان ایچون بدیی وآشکار اولدیغنده تردد کوسترمک زائددر .

تاریخک هر هانکی صحیفه سی قاریشدر سرسکیز اوراده صلابت دینییه نکه ضمه یوز طریدی زمانلرده دولتمزک انقراضه دوچار اولدینی ، زوالی دینداشلیرمزک مصائب وبلاای متعده قارشوسنده قالدلری کورولور . صلابت دینییه دن ، متین اساسلی سجیه و اخلاقدن ، حزم واراده دن ، علم وعرفاندن ، عفت واستقامتدن محروم اولان ملنلرک تاریخ عالمده معروض فلاکت اولدقلرینی کورمک قدر بیسط برشی اوله ماز . مادیاتله معنویاتک آیریلدینی زمانلرده ، توأم اوله رق شهراه ترقیده یورودکیزی آنلرده اناطولینک باکرو ناموسکار محیطه کیرن ، وآنا یوردند کی مقدساتمه صالدران خونخوار وآلجاق دوشانی آتدیغیمز هنوز کوزیمزک اوکندهدر .

منع مسکرات قانوننک اخلاق عمومیه به ، بالخاصه نسل آتیمزه نه بو یوک خدمتله ایده جکنی بیلن وتقدير ایدن هر کس بو قانونک تعدیاتی دکل ، احکام ومواد عمومیه سنک بنجامها تطبیقنی مصرأ طلب ایتمکله دیننه ، مملکتنه قارشو اک علوی واک مدنی بروظیفه ایفا ایتمدیکنه شبهه ایتمه ملیدر . وجود بشرده دن تخریباتی دولایسیله غریبک بعض یرلنده بیله قانوناً منع ایدیلن و ایدیلمکده